


1610_041v.jpg



Premiere continuation

1610. sterité de vie spirituelle, ne se forlignât aucune-
ment du chemin de la vertu. Il a esté fort loüé
de la diligence dont il vſa à conclurre le Conci-
le de Trente: de l'auoir faiſt obſeruer le premier
au Milanois: de la reformatiō qu'il fit de ſa per-
ſonne, & de ceux qui le ſeruoient & ſuiuoi-
ent, pour reduire par ſon exemple ſon Clergé & le
peuple au chemin de ſalut: du ſejour qu'il faiſoit
continuëlement en ſon Archeueſché: de plu-
ſieurs Conciles, tant Prouinciaux que Dioce-
ſains, qu'il tint pour reformer les Couſtumes,
reſtablir & deffendre la diſcipline Catholique,
enſemble l'Eſtat Eccleſiaſtique: des beaux edifi-
ces & fabriques d'Eglifes qu'il a faiſt baſtir: de
la fondation de pluſieurs Colleges, Seminaires,
& Monafteres; & de quelques lieux de deuotiō
qu'il institua: d'auoir touſiours fort conſtam-
ment deffendu l'autorité de l'Eglise: d'auoir
enſigné touſiours la vraye & ſaine doctrine,
tant par paroles que par eſcrit: de ſon hōſpita-
lité, & des grandes aumosnes qu'il faiſoit: de ſa
charité enuers les Milanois lors que la peſte fut
en leur ville: de ſa grande abſtinance & aulte-
rité de vie: de ſa chaſteté, & grande patience à
ſupporter les trauaux & incommoditez de ſa
charge: de s'eſtre monſtré touſiours fort equi-
table à faire iuſtice, tāt en ſa maiſon qu'au gou-
uernemēt de ſon Tribunal, & en la diſtribution
des Benefices Eccleſiaſtiques; & bref de s'eſtre
dignement acquitté de ſa charge.


*Attentat des
Egrees Hſ.*

Vn des plus grands teſmoignages de la ſain-
cteté de ſa vie a eſté, qu'un meſchant Moynē


1610_042r.jpg




1610_042v.jpg



1610_043r.jpg




1610_043v.jpg



1610_044r.jpg



1610_044v.jpg



Premiere continuation

1610.

seront pas suffisans pour la deplorer, il reste quelque consolation aux François, celle-là à mon aduis est la seule qu'ils peuvent recevoir. Qu'il leur est resté vne Royne dõt la vertu peut non seulement seconder & imiter les loüables & vertueux desseins de ce grand Roy son mary, mais aussi recueillir les cœurs & les volontez de ceux qui pouuoient seruir sous luy, & les vnr & faire contribuer tous ensemble chacun selon son pouuoir au service du Roy son fils, & au salut de son Estat.


*Mort du sieur
du Haillat
Historiographe
de France.*

Le 23. Nouembre mourut Bernard de Girard sieur du Haillat, Bordelois, aagé de 75. à 76. ans lequel fut enterré à S. Eustache.

Henry troisieme pour le recognoistre de la peine qu'il auoit prise au premier liure de son Histoire François, le gratifia d'un Estat de Secrétaire de ses finances. Apres qu'il luy eut dedié son Histoire de France par luy recueillie des auteurs anciens, comme le premier corps d'Histoire habillé à la François, il l'honora de l'Estat de Conseiller & Historiographe de France, qu'il fit eriger en tiltre d'Office formé, avec appoinctement arresté de douze cens escus par an. Il a faict depuis l'Estat & succez des affaires de France, & autres liures & traictez: Il fut pourueu de l'Estat de Genealogiste des Cheualiers de l'Ordre du S. Esprit à la creation de cest Ordre. Ledit Roy Henry 3. l'aymoit pour estre fort versé en l'Histoire de France, pour sa franchise de parler, & pour ses responce & libres reparties.

FIN.

1610_001r.jpg



1610_001v.jpg



Premiere Continuation

1610. rapporter la teneur de son Edict, & comme il fut executé, voyons d'où & quand sont venus les Maures en Espagne, pour mieux donner à entendre quelles gens estoient ces Morisques, & l'occasion pourquoy ce Roy les en a fait mettre du tout dehors.

*Mahomet
premiere sou-
che de l'Em-
pire des Ara-
bes.*

Plusieurs Historiens ont escrit la vie de Mahomet, lesquels s'accordent tous, qu'estant yssu de pauvres gents, son pere de Religio Payenne, & sa mere Iuifue, il fit toutesfois accroire qu'il estoit vn Prophete. Par l'aduis d'un Sergius Moyne & Arrien, il forma vne Religion nouvelle tiree du Iudaïsme & de l'Arrianisme, laquelle ayant clandestinement semee & publice, il attira à sa suite vn grand nombre de peuple d'Arrabie, & se rendit l'an 617. Duc & Prince de tous les Arrabes & Sarrazins.

*Grandeur
soudaine des
Caliphes suc-
cesseurs de
Mahomet.*

Les Caliphes des Arrabes (c'est à dire les successeurs de ce Mahomet) se firent si puissants establisant ceste nouvelle Religion par leurs armes, que quatre vingts dix ans apres sa mort, le Caliphe Vlit fut paisible possesseur & Empereur de tous les pays qui sont en la côte maritime Septentrionale d'Afrique, de la Palestine, Syrie, Arabie, & Perse; bref de toute ceste grande loqueur de pays qui est depuis le mont Atlas en l'une des extremités Occidentales d'Afrique, iusques au fleuve Indus en l'autre extremité Orientale d'Asie.

*Arrabes, Sar-
razins &
Maures con-
quereurs de l'E-
spagne.*

Durant l'Empire de cest Vlit, sçavoir l'an 713. les paillardises, vices & cruautés des derniers Roys Gots en Espagne, ouvriront la por-

1610_002r.jpg

du Mercure François.

2

1610.

re aux Arrabes, Sarrasins & Maures, pour entrer en l'Europe par le destroit de Gilbraltar, & conquister l'Espagne, où ils y firent mourir en cinq ans sept cents mil Chrestiens, la peuplerent presque de Maures, exterminant du tout la Monarchie des Gots, qui autresfois avoit foulé aux pieds l'Empire Romain, & ruiné Rome & l'Italie.

Tous les Historiens François rapportent aussi, qu'en l'an 715. sous la conduite d'Abderamen Lieutenant general en Espagne du Caliphe Gizit successeur d'Uit, quatre cents mille Arrabes, Sarrasins & Maures, passerent les monts Pyrenees, & qu'estans entrez jusques à cinq lieues de Tours au milieu de la France, ils furent tous mis au fil de l'espee par Charles Martel Maire du Palais du Roy Thierry. Et que cinq ans apres le Roy Amorrhee voulant secourir des Sarrasins (que ce Martel avoit assiegez encor dans Narbone) fut tué, & par luy desfaict en la bataille de Colibre aux pieds des monts Pirenees: ce qui depuis arresta ces infidelles d'entrer plus avant en Europe: & donna le moyen & la commodité aux pauvres Chrestiens Espagnols (qui n'avoient voulu subir au long de ces Mahometans, & qui s'estoient garentis de leurs armes dans les monts d'Asture, de Biscaye & és Pirenees) d'establiir asseurement les Royaumes de Sobrabre & d'Ouiedo.

*Desfaite des
Sarrasins &
Maures en
France.*

Le naturel de la nation des Arrabes, est (comme testifient plusieurs bons auteurs)

*Naturel des
Arrabes.*

A ij

Image issue du site mercurefrancois.ehess.fr - Cliché (c) Cécile Soudan